




ՀՈԳԵՎՈՐ ԾԵՄԱՐԱՆԻ ՎԵՐԱԲԱՑՄԱՆ ՀԱՆԴԻՍՈՒԹՅՈՒՆ

Սույն թվականի սեպտեմբերի 8-ին, երկուշաբթի օրը, առավոտյան ժամը 10.30-ին, հոգևոր ձեմարանի հանդիսությունների դահլիճում, Վեհափառ Հայրապետի բարձր նախագահությամբ, տեղի ունեցավ հանդիսություն՝ նվիրված հոգևոր ձեմարանի 1986—1987 ուսումնական տարվա վերաբացման: Վեհափառ Հայրապետի կողքին, նախագահության սեղանի շուրջ, տեղ էին գրավել Ս. Սիոն արքեպ. Մանուկյանը, Ս. Հուսիկ արքեպ. Սանթրուրյանը, Ս. Ներսես արքեպ. Պոպապալյանը և հոգևոր ձեմարանի տեսուչ Ս. Եվնիկ քին. Պետրոսյանը:

Հոգևոր ձեմարանի վերաբացման հանդիսությունը ներկա էին Մայր Աթոռի միաբանությունը, հոգևոր ձեմարանի դասախոսական կապը, ուսանողությունը և մայրավանքի պաշտոնեությունը:

Հանդիսությունը սկսվեց Վեհափառ Հայրապետի Տերունական աղոթքով: Այնուհետև հնչեց Սովետական Հայաստանի պետական հիմնը: Ապա հոգևոր ձեմարանի սաները կատարեցին ձեմարանի քայերգը, որից հետո Ս. Եկրաս արքեպ. Ներսիսյանը Սուրբ Ավետարանից ընթերցեց «Սերմնացանի առակը» (Մատթ. ԺԳ 4—9): Ընթերցումից հետո ձեմարանի սաները, ղեկավարությամբ ձեմարանի եկեղեցական երաժշտության դասախոս բարեշնորհ Հայկ սրկ. Ֆրունջյանի, կատարեցին «Աշակերտք Քրիստոսի» և «Որք զարդարեցին» շարականները: Հոգևոր ձեմարանի Ե լսարանի ուսանող Գառնիկ Կարապետյանը ընթերցեց

Նարեկից՝ շնորհաբաշխ Սուրբ Հոգուն ուղղված աղոթք-աղերսը (Բան ԼԴ):

Բացման խոսքով հանդես եկավ հոգևոր ձեմարանի տեսուչ Ս. Եվնիկ քին. Պետրոսյանը:

«Վեհափառ Տեր, գերաշնորհ սրբական, հայրեր, հոգեշնորհ և արժանապատիվ հայրեր, սիրելի սաներ և ներկաներ,

Աստուծո նորոգությամբ և Վեհափառ Հայրապետի օրհնությամբ կրկին իր դռներն է բացում Ս. Էջմիածնի հոգևոր ձեմարանը: Քիչ հետո կհնչի 1986—87 ուսումնական տարվա առաջին վանգը:

Ավանդական դարձած բացման արարողության այս պահը թեպաղորում է մեզ մի քանի մտածումներ, որոնք ուղեցույց պետք է դառնան մեր առաջիկա աշխատանքների համար:

Հայտնի է բոլորիս, որ հոգևոր ձեմարանի հիմնական նպատակն է՝ պատրաստել հոգևորականներ Հայ Եկեղեցու և հայ ժողովրդի համար: Առաջին հայացքից շատ պարզ և դյուրին է թվում: Բայց այդ՝ առաջին հայացքից միայն:

Երկնապարամիա պատմություն ունեցող Հայ Եկեղեցին քարուքանդ եղավ առաջին համաշխարհային պատերազմի և Մեծ եղեռնի տարիներին: Երկու հազար տարի կառուցված և մի քանի տարում ավերված Եկեղեցին վերականգնելու իմամար անհրաժեշտ էին տասնյակ տարիներ:

Ավերումից բացի, Հայ Եկեղեցին ստիպված էր այլևս գոյատևել աշխարհագրական

երկու բաժանումներով՝ Սովետական Հայաստան և Սփյուռք:

Աստուծո ռոգորմությամբ Հայ Եկեղեցին սկսեց ուղքի կանգնել երջանակափոխության S. Գևորգ Զ կաթողիկոսի օրերին, իսկ Նորին Սրբություն S. S. Վազգեն Ա Վեհափառ Հայրապետի անմահորդ նվիրվածության և անխնայ աջատանքի շնորհիվ Հայ Եկեղեցին կրկին վերագտավ իր նախկին շեն ու բարեկեցիկ վիճակը: Ողջ աշխարհով մեկ կառուցվեցին նոր եկեղեցիներ և վերակառուցվեցին ավերվածները, ստեղծվեցին նոր թեմեր և պատրաստվեցին հոգևորականներ՝ ծառայելու Հայ Եկեղեցուն և հայ ժողովրդին ամենուր:

Եվ այս բարեկամ պայմաններում է, որ Ս. Էջմիածնի հոգևոր ձեմարանը շարունակում է իր գործունեությունը՝ հոգևորականների պատրաստումը: Բնական է, որ այսօր այլ են լինելու հոգևոր ձեմարանի առջև դրված պահանջները: Այսօր շեշտը դրվելու է ոչ թե քանակի, այլ որակի վրա: Այսօրվա հոգևորականները պետք է դաստիարակված լինեն հիմնական երեք առաքելություններով:

ա. ՀԱՅՐԵՆԱՍԻՐՈՒԹՅՈՒՆ.—Հայ ժողովրդի հայրենիքը այսօր Սովետական Հայաստանն է: Ունանք, հատկապես արտասահմանում, հայրենասիրություն են քարոզում՝ խոսելով հայության մասին ընդհանուր արտահայտություններով: Հայությունը, սակայն, առանց հայրենիքի հիմք չունի: Չի կարելի հայրենասեր լինել առանց հայրենիքը սիրելու: Միայն հայրենիքն է, որ կարող է ուժ տալ հայությանը թե՛ մայր հողի վրա, թե՛ Սփյուռքում: Հիշենք Արշակ Բ թագավորի միջադեպը Պարսից արքունիքում: Այս ամենով պետք է որ հոգևոր ձեմարանի առնես մի շրջանավարտ, որ կոչվել է ծառայել հայ ժողովրդին, ճշարտացիորեն և գիտակցաբար սիրի իր Մայր Հայրենիքը՝ Սովետական Հայաստանը:

բ. ԱՆՇԱՀԱՆՆԴՐՈՒԹՅՈՒՆ.—Հոգևոր ձեմարանի շրջանավարտը, որ կոչված է ծառայելու Հայ Եկեղեցուն, պետք է դաստիարակված լինի անշահախնդրության ոգով: Բարեկեցիկ տնտեսական պայմաններ ստանալու ակնկալության մտայնությամբ չի կարելի ճշարտացիորեն ծառայել Հայ Եկեղեցուն: Նման հոգևորականը միայն վարձկան փնվոր կարող է լինել: Իսկ Հայ Եկեղեցին կարիք ունի հարապատ գավակների:

գ. ԿՐՈՆԱՍԻՐՈՒԹՅՈՒՆ.—Չափազանց կարևոր է, որ Հայ Եկեղեցու հոգևորականը սիրի և լուրացնի իր կրոնը՝ աստվածաբանությունը, ծեսը, աստվածաբանական գիտելիքները և այլն: Հոգևորականը իր կյանքի օրինակով միայն կարող է 20-րդ դարի-

մարդուն ուսուցանել քրիստոնեական վարդապետության ճշմարտությունները:

Ահա երեք հիմնական խնդիրներ, որոնք դրված են Ս. Էջմիածնի հոգևոր ձեմարանի տեսչության, դասախոսական կազմի և ուսանողության առջև: Այո, նաև ուսանողության առջև, որովհետև, սիրելի ուսանողներ, եթե ձեր մեջ չլինի անձնական նախանձախնդրություն և ձգտում, տեսչության և դասախոսական կազմի աջատանքները կընձանվեն այն սերներին, որոնք ընկան ապառաժի վրա և ոչ մի արդյունք չտվեցին:

Մյուս կողմից դասախոսներն ու դաստիարակները ամեն ջանք պետք է ի գործ դնեն նման ապառաժները բերրի հողի վերածելու համար: Դա անհնարին չէ: Հայ ժողովուրդը երկար դարեր կարողացել է քառից ջուր քամել: Մենք չպետք է մոռանանք մեր նախնիների ավանդը:

Այս տարի հոգևոր ձեմարանի տեսչության կազմում տեղի են ունեցել հետևյալ փոփոխությունները: Հովվական աշխատանքի մեկնելու կապակցությամբ հոգևոր ձեմարանի փոխտեսչի պաշտոնից ազատվել է Ս. Հայկապուն ծ. վրդ. Նաջարյանը:

Իբրև ընդհանուր դաստիարակ աշխատանքի է հրավիրվել Մայր Աթոռի միաբան Ս. Պարզև արքեպ. Մարտիրոսյանը: Այս հանդիսավոր պահին մենք մաղթում ենք սիրելի հայր տուրքին հաջողություն իր աշխատանքի մեջ:

Հոգևոր ձեմարանի ուսմամբ է նշանակվել Ս. Հուսիկ քին. Լապարյանը, իսկ քարտուղար՝ Արմեն Հովսեփյանը:

Դասախոսական կազմը շարունակում է իր գործունեությունը հիմնականում նույն կազմով:

Վեհափառ Տեր, իսկ այժմ թույլ տվեք հայցել Ձերդ Սրբության օրհնությունը հոգևոր ձեմարանի տեսչության, դասախոսական կազմի և ուսանողության համար, օրհնություն, որը չափազանց անհրաժեշտ է՝ մեր աշխատունակությունը և հոգեկան կենսախնդրությունը միշտ բարձր պահելու համար»:

Ապա տեսուչ քահանա հայրը հրավիրեց Ն. Ս. Օ. Ս. Վազգեն Ա կաթողիկոսին Ամենայն Հայոց՝ տալու իր օրհնությունը նոր ուսումնական տարվա շեմին:

ՎԵՀԱՓԱՐ ՀԱՅՐԱՊԵՏԻ ՕՐՀՆՈՒԹՅԱՆ ԽՈՍՔԸ

Մայր Աթոռի կյանքում այս պահը խմբաժողովայն պահերից մեկն է շեշտելու: Այս պահը, երբ մեր հոգևոր ձեմարանը իր դռները բաց է թանում, և սկսվում է դպրոցական նոր տարեշրջանը՝ 1986—1987-ը: Այս առիթով

ես էլ ուրախությամբ գտնվում եմ ձեր մեջ և բերում եմ Սուրբ Լուսավորչի գահից իմ օրհնությունը՝ հոգևոր ձեռնարանի տեսչության, դասախոսական կազմին, պաշտոնեական և նաև սիրելի մեր սաներին այն վերստահությամբ, որ նաև նոր տարեշրջանը պիտի լինի արդյունավետ թշխատանքի տարի թե՛ դասախոսական կազմի և թե՛ ուսանողության համար:

Ընդհավորում եմ նոր ուսումնական տարին և մաղթում եմ ուժ, եռանդ, անսպառ ներշնչանք, որպեսզի մեր դասախոսները կադրողական այդ ներշնչումները փոխանցել իրենց սաներին, ոչ միայն նրանց գիտելիքները հարստացնելով, այլ նաև այդ գիտելիքների հետ շամբելով նրանց սերը, և խանդավառությունը լավանդված խոտրկաների նկատմամբ:

Սիրելի սաներ, առաջի, որ ես ուրախությամբ եկել եմ այստեղ ձեզ հետ միասին ապրելու այս ուրախ պահը: Ենթադրում եմ, որ դուք ևս ուրախ եք: Ուրախ եք, որովհետև թշխատանքի նոր տարեշրջան մըն է սկսվում: Միայն ծուլերը և անպետք մարդիկ են, որ թշխատանքից խուսափում են, կամ թշխատանքով չեն ոգևորվում: Պատահում են նաև այդպիսիներ դժբախտաբար: Բայց կարծում եմ, որ դուք այդպիսիներից չեք և, հետևաբար, իրոք որ ուրախ եք, որ պիտի սկսվի ձեզ համար թշխատանքի նոր տարեշրջան:

Ճիշտ է, որ տարեվերջին, երբ թշխատանքը կատարվել է և ավարտին հասել, դուք մի քիչ հոգնած լինելիք թշխատանքից և կարիքը դրանից մի քիչ հանգստանալու, ինչպես նաև մեր դասախոսների համար ճիշտ է այս: Իրոք որ դպրոցական կյանքը, հատկապես դասախոսների խամար, հոգնեցուցիչ թշխատանք է: Դրսից դիտողները երբեմն նայո իրողությունը չեն հասկանում: Այնպես որ բնական է, որ տարեվերջին և՛ դասախոսները, և՛ ուսանողները քիչ հոգնած լինեն և պահանջը պահանջում: Բայց հետո, երբ այդ հանգստի ժամանակը անցնում է, ես կարծում եմ, որ խմեն մեկը ձեզանից անհամբեր է լինում սպասելու այս պահին, երբ նոր թշխատանք պիտի վերսկսի:

Թշխատանքի մասին շատ է խոսվում, շատ է խոսվել, բայց միշտ էլ պետք է խոս-

վի, որպեսզի միշտ թարմանա թշխատանքի որակը: Իրականության մեջ մարդու մարդկությունը ցուցաբերող, արտահայտող ամենաբնորոշ գծերից մեկը թշխատանքն է: Այն մարդը, որ թշխատանք չի սիրում, ոչ միայն ծուլ է, կամ ուրիշ թափանքներ էլ կարող ենք շարել, այլ նաև գրկված է մարդկային ամենաբնորոշ այդ հատկանիշից, այդ խոտրկանությունից: Ինչ որ կատարված է հիշատակությանը արժանի այս թշխարիի վրա, նաև մեր պատմության ընթացքին, հղած է թշնամեցու պատմության ընթացքին, եղած է թշխատանքով: Երբեմն ծանր թշխատանքով, մանավանդ երբ խոսքը կվերաբերի հայոց: Հողագործությունից սկսյալ մինչև մոտավորական բարձր արտաբերություն հայ թշխատողը, խնցյալում շատ ավելի ծանր պայմանների մեջ է գտնվել, քան թե ուրիշ ժողովուրդներ: Ինչպես խոսում են, երևի ճիշտ է այն պատկերավոր խոսքը, թե հայը թշխատանքով քարից հաց է ստեղծում: Ահա այդ հացը՝ կուրսական և հոգևոր իմաստով, մեր ժողովրդի միշտ խնդրանք կյանքի ընկեր է եղած, և հայազգի զավակները միշտ այդ հացով են սնվել, չապրել, ստեղծագործել:

Հիմա հերթը ձերն է, սիրելի սաներ, որ նույն թշխատանքի ոգով շարունակեք ձեր նախնիքների ճանապարհով ընթանալ, և այս դեպքում խոսքը հոգևոր հացի մասին է, հոգևոր սնունդը դուք կարողանաք ձեր թշխատանքով ձեռք բերել այս հարկի տակ և նույնիսկ, ինչպես քիչ առաջ հիշվեց Ավետարանի պատգամը, ձեր ստացածը խճեցնել՝ մեկի տեղ երեսուն, վաթսուն և այլն:

Ահա այս մաղթանքով, սիրելի սաներ, ընդհավորում եմ ձեր նոր ուսումնական տարին, մաղթում ձեզի ուժ, կար և խնայալու եռանդ, որպեսզի դուք ձեր թշխատանքները կատարեք բարեխղճորեն, սիրով ու ոգևորությամբ, և տարեվերջին բաց ճակատով ներկայանաք ձեր քննություններին:

Մաղթում եմ ձեզ հաջողություններ և հաջողում ձեզ Աստուծո օրհնությունը, այժմ և հավիտյանս, ամեն:

Հոգևոր ձեռնարանի վերաբացման հանդիսությունն ավարտվեց Տերունական աղոթքով և Վեհափառ Հայրապետի «Պահպանիչ»-ով:

